

Na osnovu člana 16. stav 4. Zakona o Vladi Zeničko - dobojskog kantona - Prečišćeni tekst („Službene novine Zeničko - dobojskog kantona, broj: 7/10), a postupajući u skladu sa članom 117. stav 2. Zakona o električnoj energiji (“Službene novine Federacije Bosne i Hercegovine“, broj: 66/13), Vlada Zeničko-dobojskog kantona, na prijedlog Ministarstva za privredu, na 21. sjednici, održanoj 30.07.2015. godine, d o n o s i

ZAKLJUČAK

I.

Utvrđuje se Prijedlog Zakona o prestanku primjene Zakona o elektroenergetskoj inspekciji.

II.

Prijedlog Zakona iz tačke I. ovog Zaključka upućuje se u daljnju skupštinsku proceduru, po skraćenom postupku.

III.

Zaključak stupa na snagu danom donošenja.

Broj: 02- /15.

Datum, 30.07.2015. godine
Zenica

PREMIJER

Miralem Galijašević

DOSTAVLJENO:

1x Stručna služba Skupštine,
1x Ministarstvo za privredu,
1x Stručna služba Vlade,
1x a/a.

Na osnovu člana 37. stav 1. tačka f) Ustava Zeničko-dobojskog kantona i člana 117. stav 2. Zakona o električnoj energiji ("Službene novine Federacije Bosne i Hercegovine", broj: 66/13), Skupština Zeničko-dobojskog kantona, na _____ sjednici održanoj _____ 2015. godine, d o n o s i

ZAKON
o prestanku primjene Zakona o elektroenergetskoj inspekciji

Član 1.
(Predmet)

Ovim zakonom utvrđuje se prestanak primjene Zakona o elektroenergetskoj inspekciji ("Službene novine Zeničko-dobojskog kantona", broj: 13/03 i 20/07), na teritoriji Zeničko-dobojskog kantona.

Član 2.
(Stupanje na snagu)

Zakon stupa na snagu narednog dana od dana objavljivanja u „Službenim novinama Zeničko-dobojskog kantona“.

Broj:
Datum, _____
Z e n i c a

PREDSJEDAVAJUĆA

Draženka Subašić s.r.

O b r a z l o ž e n j e

I. USTAVNI OSNOV

Ustavni osnov za donošenje Zakona o prestanku primjene Zakona o elektroenergetskoj inspekciji sadržan je u odredbi člana 37. stav 1. tačka f) Ustava Zeničko-dobojskog kantona.

Pravni osnov za donošenje ovog zakona utvrđen je članom 117. stav 2. Zakona o električnoj energiji ("Službene novine Federacije Bosne i Hercegovine", broj: 66/13).

II. RAZLOZI ZA DONOŠENJE

Razlozi donošenja ovog zakona sadržani su u članu 117. stav 2. Zakonu o električnoj energiji ("Službene novine Federacije Bosne i Hercegovine", broj: 66/13), a koji glasi:

„(2) Danom stupanja na snagu ovog zakona na teritoriji Federacije prestaje primjena Zakona o elektroenergetskoj inspekciji ("Službene novine Federacije Bosne i Hercegovine", broj: 8/12).“

Kako je Zakon o elektroenergetskoj inspekciji ("Službene novine Zeničko-dobojskog kantona", broj: 13/03 i 20/07), donešen na temelju i u skladu sa Federalnim Zakonom o elektroenergetskoj inspekciji, čija je primjena prestala donošenjem Zakona o električnoj energiji ("Službene novine Federacije Bosne i Hercegovine", broj: 66/13), potrebno je, shodno naprijed navedenom, te radi uklanjanja pravnih nejasnoća i nedoumica da se i na Kantonalnom nivou učini isto.

Novim Federalnim Zakonom o električnoj energiji uređuje se ista oblast i za teritoriju Kantona.

III. POSTUPAK DONOŠENJE

Članom 140. Poslovnika Skupštine Zeničko – dobojskog kantona - Novi prečišćen tekst („Službene novine Zeničko - dobojskog kantona, broj: 7/12 i 12/13), propisano je "...kad nije u pitanju složen i obiman zakon, podnosilac prijedloga zakona može umjesto nacрта da podnese prijedlog zakona i da predloži da se prijedlog zakona pretresa po skraćenom postupku, bez nacрта zakona“.

IV. FINANSIJSKA SREDSTVA

Za provođenje ovog zakona u Budžetu Zeničko-dobojskog kantona nije potrebno osigurati dodatna finansijska sredstva.